

ШАРТНОМА № 1
LED экранлар ўрнатиш хизматини кўрсатишга

Урганч ш.

« 21 » 10 2022 й.

Устав асосида иш олиб борадиган “Мирзобек Авто” МЧЖ, қуйида “**Ижрочи**” деб юритилади, унинг номидан раҳбар Х.Аллаберганов, бир томондан ва Хоразм вилояти транспорт бошқармаси, қуйида “**Буюртмачи**” деб юритиладиган, унинг номидан Ўзбекистон Республикаси “Маҳаллий давлат ҳокимияти тўғрисида”ги қонуни асосида иш юритувчи Хоразм вилояти транспорт бошқармаси бошлиғи Бабаев Раҳматилло Фарходович иккинчи томондан иштирок этади, биргаликда қуйида “**Томонлар**” деб номланади, қуйидагилардан иборат бўлган мазкур Шартномани туздилар:

1. Шартнома предмети

1.1. **Ижрочи** ушбу шартномага асосан **Буюртмачи** топшириғига биноан ушбу шартнома шартларига мувофиқ Урганч-Хива-Урганч йўналишидаги 8та янги замонавий типдаги тўхташ оралиқ бекатларига LED экранлар ўрнатишни ўз зиммасига олади (кейинги ўринларда “LED экранлар ўрнатиш” деб юритилади) ва кўрсатилган Хизматлар натижасини ушбу шартнома (кейинги ўринларда “LED экранлар ўрнатиш” деб юритилади)га асосан белгиланган тартибда босқичма-босқич Буюртмачига топширади. Буюртмачи эса ўз навбатида, кўрсатилган хизматлар натижаларини ушбу шартномада белгиланган муддатда қабул қилиш ва ижрочининг банкдаги ҳисоб рақамига пул ўтказиш йўли билан тўлаб беришни ўз зиммасига олади.

1.2. **Ижрочи** Хизматларни техник топшириққа мувофиқ кўрсатади ва ўз маблағлари ҳисобидан учинчи томонларни жалб қилиш ҳуқуқига эга, бунда ижрочи буюртмачи олдида учинчи томон ҳаракати учун жавобгардир. Учинчи томонни жалб қилиниши ушбу шартномада кўрсатилган миқдордан ташқари қўшимча харажатларни келтириб чиқармаслиги зарур.

1.3. Хизматларни жорий этиш ҳудуди: Ўзбекистон Республикаси, Хоразм вилояти, Урганч шаҳри.

2. Тарафлар мажбуриятлари

2.1. Ижрочининг мажбуриятлари:

- Ушбу шартнома шартларига мувофиқ кўрсатилган Хизматлар натижаларини, ҳисобот ва молиявий ҳужжатларини буюртмачига ўтказиш;
- Ушбу шартноманинг 10-бўлимига мувофиқ буюртмачи томонидан тақдим этилган маълумотларнинг махфийлигини таъминлаш;
- Ушбу шартномада келтирилган хизматларнинг ҳар бир босқичи якунига етгандан сунг Буюртмачига кўрсатилган хизматларнинг топшириш-қабул қилиш Далолатномасини тақдим этиш.

2.2. Ижрочининг ҳуқуқлари:

- Хизматларни кўрсатишда ушбу шартномада белгиланган маблағ миқдоридан мустасно равишда, буюртмачи томонидан қўшимча харажатларни келтириб чиқармасдан ўз маблағлари ҳисобидан учинчи томонларни жалб қилиш;
- Шартнома бўйича ўз мажбуриятларини тўғри бажарган тақдирда, кўрсатилган хизматлар учун тўловни талаб қилиш.

2.3. Буюртмачининг мажбуриятлари:

- Ушбу шартномада келтирилган хизматларнинг ҳар бир босқичи якунига етгандан сўнг хизматларнинг топшириш-қабул қилиш Далолатномасини 15 (ўн беш) иш куни ичида имзолаш орқали кўрсатилган натижаларни ижрочидан қабул қилиш ёки шу муддат мобайнида асосланган раддиясини ёзма равишда ижрочига йўллаш;

- Ижрочи томонидан кўрсатилган Хизматларни қабул қилишга қаратилган ҳаракатларни амалга ошириш;

- Ушбу шартнома ва техник топшириқда белгиланган тартиб ва шартлар асосида кўрсатилган Хизматлар учун ижрочига тўловни амалга ошириш;

- Ушбу Шартнома кучга киргандан сўнг 15 (ўн беш) иш куни ичида ушбу шартнома ва техник топшириқ бўйича хизматларни бажариш учун барча зарурий маълумотларни ва ҳужжатларни (бошланғич маълумотлар) ижрочига етказиш.

2.4. Буюртмачининг ҳуқуқлари:

- Ижрочининг фаолиятига аралашмасдан ва хизматлар кўрсатишда тўсиқлар яратмасдан кўрсатиладиган хизматларни назорат қилиш;

- Техник топшириқ талабларига, шунингдек шартноманинг бошқа шартларига мувофиқ келмаган хизматларни қабул қилишни асосли рад этиш;

- Ижрочидан шартномага мувофиқ мажбуриятларнинг бажарилишини тасдиқловчи, ўрнатилган тартибда расмийлаштирилган ҳисобот ҳужжатлари ва материалларини талаб қилиш;

- Ижрочи ушбу шартнома ва техник топшириқ бўйича ўз мажбуриятларини бажармаган ҳолда унинг хизматлари учун тўловни амалга оширишни рад этиш.

3. Хизматларни топшириш ва қабул қилиш тартиби

3.1. Ижрочи томондан ушбу шартнома бўйича Хизматларни бошлаш санаси шартнома Ўзбекистон Республикаси Молия Вазирлигининг Ғазначилиги рўйхатидан ўтган кундан кейинги кун ҳисобланади.

3.2. Ижрочи ушбу шартномага мувофиқ ҳар бир босқичи бўйича кўрсатилган Хизматлар натижаларини буюртмачига ўрнатилган тартибда расмийлаштирилган далолатнома билан биргаликда тақдим этади.

3.3. Ижрочидан далолатномани олган кундан бошлаб 5 (беш) иш куни давомида буюртмачи кўрсатилган Хизматлар натижаларини келишади ёки ижрочига келишиш бўйича асосланган раддия жавобини ёзма равишда тақдим этади.

3.4. Ижрочидан далолатномани олган кундан бошлаб 15 (ўн беш) иш куни давомида буюртмачи ўзи томонидан имзоланган далолатноманинг бир нусхасини ёки Хизматларни қабул қилиш бўйича асосланган раддия жавобини камчиликлар рўйхати ва бажариш муддатлари билан биргаликда тақдим этади.

3.5. Техник топшириқда келтирилган Хизматларни кўрсатиш билан боғлиқ муаммоларни ҳал этиш мақсадида ушбу шартнома имзоланиши билан буюртмачи ўзининг ваколатли вакили ёки вакилларини тайинлайди. Ваколатли вакил(лар) хизматлар кўрсатилиш жараёнини назоратини ва техник кузатувини амалга оширадилар, хизматлар сифатини ва техник топшириқ шартларига мувофиқлигини текширадилар ҳамда хизматларни қабул қиладилар.

3.6. Ижрочи хизматлар кўрсатиш ҳар бир босқичи якунида буюртмачи манзилига далолатнома, ҳисоб-фактура ва техник топшириқда кўрсатилган хизматлар натижасини тақдим этади.

3.7. Камчиликларни бартараф этиш ижрочи томондан ўз маблағлари ҳисобидан буюртмачи билан келишилган муддатда амалга оширилади.

Буюртмачи 3.4. бандда келтирилган муддатда кўрсатилган хизматлар бўйича буюртмачи томонидан имзоланган далолатнома ва асосланган раддия мавжуд бўлмаган

холда далолатномада келтирилган хизматлар сифати ва ҳажмидан катъий назар эътирозсиз қабул қилинган ҳисобланади ва тўлаб берилиши шарт.

4. Шартнома нархи ва ҳисоб тартиби

4.1. Ҳисоб-китоб бўйича ушбу шартноманинг нархи ҚҚС сиз 1 100 000 000 (Бир миллиард бир юз) сўмни ташкил этади.

4.2. Ушбу шартноманинг 4.1 бандида келтирилган нарх катъий ва шартномани бажариш даврида ўзгармайди.

4.1. Ушбу шартнома кучга кирган кундан сўнг 5 (беш) иш кунидан кечикмаган даврда буюртмачи ижрочиға шартнома нархининг 15 % фоизини олдиндан қолган 85 % қисмини товорни олгандан кейин 5 (беш) банк куни ичида ўтказишни ўз зиммасига олади.

4.2. Тўлов тури тўлов топшириқномаси ҳисобланади.

4.3. Ушбу шартномаға мувофиқ ҳар бир босқич бўйича кўрсатилган хизматлар учун тўловлар буюртмачи томонидан хизматларнинг топшириш-қабул қилиш Далолатномаси имзолангандан сўнг 10 (ўн) иш кунидан кечикмаган даврда амалга оширилади.

4.4. Меъёрий-ҳуқуқий актлар, техник топшириқ, бошқа бошланғич маълумотлар талабларидан четлашган ҳолда ёки бошқа камчиликлар билан кўрсатилган хизматлар буюртмачи томонидан аниқланган камчиликлар Ижрочи томонидан бартараф этилгунга қадар тўлаб берилмайди.

4.5. Ушбу шартнома бўйича тўловлар буюртмачи томонидан ижрочининг ҳисоб рақамиға пул ўтказиш йўли билан амалга оширилади.

5. Томонларнинг жавобгарлиги

5.1. Ушбу шартнома бўйича мажбуриятларни бажармаганлик ёки тегишли равишда бажармаганлик учун Томонлар Ўзбекистан Республикасидаги амалдаги қонунчиликка мувофиқ жавобгарлар;

5.2. Ушбу шартномада назарда тутилган мажбуриятларни бажарилиш муддатлари Ижрочи томонидан кечиктирилган ҳолда буюртмачи жарима тўловини талаб қилиш ҳуқуқига эга. жарима тўлови ҳар бир кечиктирилган кун учун шартномада белгиланган мажбуриятларни бажариш муддати тугаган кунидан сўнги кундан бошлаб шартнома нархининг 0,1% миқдорида, бироқ Шартнома бўйича муддатида кўрсатилмаган хизмат босқичи қийматининг 10% дан ортиқ бўлмаган миқдорида тўлаб берилади.

5.3. Буюртмачи кўрсатиладиган хизматлар бўйича тўловларни муддатларида амалга оширмаган тақдирда ижрочи буюртмачидан ҳар бир кечиктирилган кун учун шартнома бўйича муддатида тўлаб берилмаган тўлов қийматининг 0,1% миқдорида, бироқ шартнома бўйича хизматлар нархининг 10% дан ортиқ бўлмаган миқдорида жарима тўловини талаб қилиш ҳуқуқига эга.

5.4. Ушбу шартнома бўйича мажбуриятларни бузганлиги учун томонлар жаримани ва (ёки) бошқа санкцияларни ундириш, шунингдек молиявий ёки бошқа зарарларни қоплаш уларни тўлаб бериш ва (ёки) компенсация қилиб бериш тўғрисидаги ёзма шаклдаги тегишли талабномани юбориш йўли билан амалга оширилади. Талабномаға жавоб бериш муддати Томонлар томонидан талабнома берилган кундан бошлаб 10 (ўн) иш куни этиб белгиланади.

5.5. Жаримани тўлаб бериш ёки ундириб олиш Томонларни шартнома бўйича ўз мажбуриятларини бажаришдан озод этмайди.

6. Форс-мажор

6.1. **Томонлар** фавқулодда кўринишдаги ходисалар оқибатида мазкур шартнома тузилганидан сўнг юзаға келган: ёнғин, zilзила, ҳарбий ҳаракатлар ва **томонлар** назоратидан ташқарида юзаға келган енгиб бўлмас куч туфайли мажбуриятларнинг қисман ёки тўлиқ бажарилмаслиги учун масъулиятдан озод этиладилар.

6.2. Бу ҳолатлар юзаға келганида, бир **томон** бошқасини ёзма равишда хабардор этиши шарт.

6.3. Бундай ҳолатлар бартараф бўлганида, бир **томон** зудлик бошқа тарафни ёзма равишда хабардор қилиши шарт. Хабарномада ушбу шартнома бўйича мажбуриятларнинг унинг давомида бажарилиши қутилаётган муддат кўрсатилиши керак.

7. Келишмовчиликларнинг ҳал қилиниши

7.1. Ушбу шартнома юзасидан ёки у билан боғлиқ ҳолда томонлар ўртасида келиб чиқадиган низо ва зиддиятлар томонлар ўртасида музокаралар олиб бориш йўли билан ҳал этилади.

Музокаралар олиб бориш йўли билан низони ҳал этиш имконияти бўлмаган тақдирда, мазкур шартноманинг тузилиши, унинг шартларининг ўзгариши, бузилиши, ижро этилиши, бекор бўлиши, тугатилиши ва ҳақиқийлиги юзасидан келиб чиқувчи барча низолар, келишмовчиликлар ва талаблар Ўзбекистон Республикаси қонунчилигига мувофиқ иқтисодий судда кўриб чиқилади. Иқтисодий суднинг ҳал қилув қарори тарафлар учун қатъий ва мажбурий ҳисобланади.

8. Шартномани ўзгартириш ва бекор қилиш тартиби

8.1. Ушбу шартномага ҳар қандай ўзгартириш ва қўшимчалар, улар ёзма равишда расмийлаштирилган ва иккала томоннинг ваколатли шахслари томонидан имзоланган ҳолдагина кучга эга бўлади.

8.2. Шартномани муддатидан олдин бекор қилишга томонларнинг келишувига ёки фуқаролик қонун ҳужжатларида назарда тутилган асосларга кўра, етказилган зарарни айбдор тараф тўлаган ҳолда йўл қўйилади.

9. Шартноманинг амал қилиш муддати

9.1. Ушбу Шартнома Томонлар томонидан имзоланган кундан кучга киради ва **31 декабр 2022 йилгача** амал қилади.

10. Маълумотларнинг махфийлиги

10.1. Томонлар шартнома предметига, уни бажариш жараёни ва илмий-текшириш ишларидан олинган барча натижаларга доир маълумотларнинг махфийлигини таъминлашга мажбурдирлар.

10.2. Томонлар томонидан ўзаро маълумотлар махфийлигини сақлаш мақсадида учинчи шахслар билан маълумот алмашиш, сақлаш ва тақдим этишлари шартнома асосида амалга оширилади

11. Бошқа шартлар

11.1. Шартнома бир хил юридик кучга эга бўлган ўзбек тилида икки нусхада, томонларнинг ҳар бири учун бир нусхадан тузилган;

12. Томонларнинг манзили ва ҳисоб рақамлари:

БУЮРТМАЧИ:

Хоразм вилояти транспорт бошқармаси
Манзили: почта индекси 220100,
Хоразм вилояти, Урганч шаҳри, Гурлан
кўчаси 2 а уй
л/с: 401021860334017045902279001
СТИР 306335725
Тел: (62)229-30-37
Молия вазирлиги газначилиги
СТИР 201122919 Марказий банкнинг
Тошкент шаҳар ХККМ МФО 00014

Хоразм вилояти транспорт
бошқармаси бошлиғи _____ Р.Бабаев

Хуқуқшунос _____ Э.Каримов

ИЖРОЧИ:

“Мирзобек Авто” масъулияти чекланган
жамияти
Хива тумани О.Палвон кучаси 23 уй
л/с: 20208000104541614001
СТИР 206788441
МФО 00547
Урганч шаҳар ТИФ Миллий банк
Тел: (91)916-06-58

“Мирзобек авто” масъулияти чекланган
жамияти раҳбари _____ Х.Аллаберганов

